

地 100.33  
139  
112

12

~~地~~  
~~12193~~  
139

平度志要

十二  
雜記



雜記

漢建平三年東萊平度出大魚長八丈高一尺七枚



熹平六年冬十月大雷

光和六年冬大寒井中冰厚尺餘

唐貞觀八年八月有星孛于虛危

明永樂中蒲臺妖婦唐賽兒破平度

正德六年劉六劉七齊彥名破平度賊退右都御史陸完師次平度遣副總兵白玉游擊卻永溫恭三道追賊

七年陸完師退

嘉靖十二年十月初十日夜星隕如雨有火光著門戶熠熠如灼

三十四年四月六日日月並行相去一丈許自己至未未始隱不見是時太白經天過未列星有光芒長數寸踰旬未滅

崇禎五年八月監軍朱大典督師與孔有德李九成戰于新河克之賊奔掖縣

道光十三年冬沙雞至

十四年五月二十二日風熱如火二十四日大雨至九月初四日止

十五六七年大饑人相食賑

十九年無麥

二十年麥兩歧大有年



二十一年正月二十六日颶風大雪大餘

咸豐二年冬大寒井水冰

三年春陰霾日赤如血

十年冬沙雞至

十一年八月捻逆至九月二十九日寇退

同治四年秋七月大水膠濰合

六年五月髮逆任豬賴刻沈至七月退

八年秋七月夜大雨雷擊城隍廟鴟吻抽鐵梁置廟外

光緒十年冬日赤如血

虛危之精流為青州分為齊國立為萊山見春秋元命苞

安祿山破東都遣段子光傳李愷盧奕蔣清首徇河北至平原太

守顏真卿畏衆懼給諸將曰吾素識愷等其首皆非是乃斬子光

藏三首他日結芻續體斂而祭為位哭之

長陵安邛生病篤弟子公沙都來省之與安邛共坐於庭樹下聞

李香開目見雙赤李著枯枝自墜掌中安邛生食之所苦除盡太

平御覽卷九百六十六引嵇康聖賢高士傳

膠東有隱士莫詳其姓氏鄉里布袍單衣行乞於酒市日布一大

醉而已既醺酣即以手握衫袖霞舉掉臂而行曰吉留馨吉留馨

兒童隨繞噪擁謂之吉留馨秀才見金華子

五色花牋盡河北膠東之紙見玉臺新詠序



益都雲門山題名治平丙午四月念六日東路安撫使知青州盧士宗提點刑獄度支外郎蔡延慶太常少卿直史館田諒通判職方郎中楊申同遊凡四行左讀徑一寸五分末行徑六分盧蔡二公莅青宋史皆不記此石可補闕文

平度膠州人罵其子曰康王家兒妖孽種而莫知其詳考史記漢書皆曰康王寄長子賢母無寵鄉語蓋有由也

界山東坡有鏡石焉映日其光射人溪石如丸搖之則響曰鈴兒澗

崇禎五年孔有德李九成賊至高鋪義民張前渠破賊後其子婦西南關賈氏女也抱子歸寧賊又至屠窩鋪婦聞變歸尋遺骸葬皆如禮煢煢孤孀撫黃口兒至於成立今張氏數百戶皆其後也明朝沙溝生張兩姓孔李賊至生氏子世官避於村外漢壽亭侯廟中賊刺以矛以為死而去之世官甦匍匐廟外張氏女從溪邊蘆中出與世官為中表世官卧血泊中渴甚哀女求飲女憫之燂湯與之女徧歷村中無一人雞犬無遺者日暮矣女扶世官入村舍覆以被異室寢晝夜飲食之治其創越數日越月餘不見村人返又久之世官創漸愈能行矣近遠訪家族及張氏族皆無音是時世官張氏女各歸其家掃除灰燼日望父母兄弟歸踰歲寂然鄰村父老乃為主婚涓吉合卺今沙溝生氏數百戶皆祭張氏墓焉



咸豐辛酉八月十九日賊西南向濰行民方出城獲豆乃賊甫至膠河知西有練勇復折而東如風驟至有將冠書生不及入城望東北山而逃及抵山麓去賊已遠見有已笄女子步其後相去僅十餘武書生疾行行亦疾徐行行亦徐書生坐而息亦繼而坐時及黃昏至固山後女子猶尾之不去書生曰汝隻身逃難日暮難行宜早自尋栖止之所女子戚然曰乞救我時皆飢甚乃相將入村舍舍虛無人女浙米書生執炊殮未既山外火光燭天夜以繼日如是者六七宵晝飢則食渴則飲女子不問書生居何里書生亦不問女子為誰氏也迨不見火光始出山將至城書生乃曰汝可歸矣女子曰幸救我且乞送我歸曰汝居何所曰洪溝何姓曰姓楊爾父何名曰某曰某為汝外家乎某為汝弟乎曰然曰有某村某氏子名某者汝知之乎女子頰不答固問之曰知書生曰我是也如非汝必送汝我不能往送矣言訖而行女子呼之曰止止尚有一言汝所以不送我者我亦知之我不知東西南北我往何處行今雖無賊離家數十里設遇強暴我負汝汝負我乎曰如此汝則至我家曰汝猶難至我家我何以至汝家乎書生不應竟行女無奈隨之入城書生至其寓其母見其子也喜而哭同寓者競問賊塞於室既而知其自山後歸也則皆退其母見女子立門側曰爾家何所也在此寓某室女子俯首面發頰慚不答視其子面亦頰其母悟曰嘻爾同患難來耶皆不答曰此乃甚好事爾言之



我送爾歸爾言之我可送人家好女歸猶不答其母恨而罵曰何處得此糊塗種子爾不言留人家好女子我何處安置也其子始赧赧然曰此洪溝楊某女也其母笑與淚并急握女手曰誰料今日得見我好孩兒也叱其子曰糊塗種子不急去尋爾爺其子奔而出女告其姑者甚悉俄而其父來喜溢顏色其母謂父曰汝識此女否曰不識也曰此新婦也其急尋親家來須臾女子父至彼此相慶非言可述也書生之父母曰親家攜我新婦歸抑使新婦隨我乎曰我失親家婦其夫婦天作合我再攜之歸賊方熾設再有不虞何以對親家兄嫂耶女附父耳曰歸歸其父謂女曰我非不願攜爾也爾公婆肯乎爾不見避難者視男女年貌皆相若一言輒媒定一尺紅布蒙女首即合卺乎遂委其女而去

文村巷劉叟與比鄰于叟相善也兩叟約生為鄰沒亦為鄰魂如有知不傷離索則樂矣及于歿瑠璃廟西劉乃營生壙在于左屬子孫從其志有碑存焉

孔有德之母崔氏乳媪也乳垂過腹墓在瑠璃廟東北

李仁坊豹竹澗道士見城南關古廟傾圮惟古柏蔥然獨茂躬自募緣修築煥發置田四十餘畝為香火地膠高南北通衢在廟之左有溪橫焉行人苦之仁坊與其徒王義鉉蘭義銅采石庀工成會通橋車馬樵汲往來便焉知州王化南見而獎之舉人李澍增生毛鵬翔立碑記其功



舍茶僧不知何許人居西張郭莊古寺地當孔道車馬負販晝宵  
絡繹僧於莊東置茶一盆任人飲無盡不知其何術也與以錢不  
受圓寂後行者思其功德立塏志之今存





